

“TASDIQLANGAN”

Chet el kapitali ishtirokidagi
«Hamkorbank» aksiyadorlik tijorat banki



Boshqaruv raisi

B.T. Jo'rayev

2024 yil "01" mart 4-son

“RO'YXATDAN O'TKAZILGAN”

O'zbekiston Respublikasi
Istiqbolli loyihalar milliy agentligi



Direktorning birinchi o'rinbosari

V. Yu. Pak

2024-yil "01" mart 4-son

№ PO-1990-2 son

M.O'

OBLIGATSIYALAR CHIQRILISHI TO'G'RISIDAGI QAROR

Chet el kapitali ishtirokidagi «Hamkorbank» aksiyadorlik tijorat banki

Identifikatsiya raqami berildi:	R	U	3	0	2	P	0	2	4	9	R	3
---------------------------------	---	---	---	---	---	---	---	---	---	---	---	---

Egasining nomi yozilgan, diskontli, hujjatsiz shaklda, nominal qiymati 1 000 000 (bir million) so'mdan 50 000 (ellik ming) dona bo'lgan, umumiy summasi 50 000 000 000 (ellik milliard) so'mlik korporativ obligatsiyalar.

Ushbu chiqarilishdagi obligatsiyalar ochiq obuna usulida joylashtiriladi.

Obligatsiyalarning ushbu chiqarilishi 2 (ikkinchi) chiqarilishdir.

Tasdiqlangan: «Hamkorbank» ATB Kuzatuv kengashining 2024-yil "01" mardagi 4-sonli qarori bilan obligatsiyalar chiqarilishi to'g'risidagi qaror tasdiqlangan.

«Hamkorbank» ATB Kuzatuv kengashining 2024-yil "01" martdagi 4-sonli qarori bilan obligatsiyalar chiqarilishi to'g'risida qaror qabul qilingan.

Emitentning joylashgan joyi, pochta manzili, muloqot telefonlari va elektron pochta manzili: 170119, O'zbekiston Respublikasi, Andijon shahri, Bobur shoh ko'chasi 85-uy.


Muloqot telefoni: (78) 298-04-33. Elektron pochta manzili: muloqot@hamkorbank.uz

Boshqaruv raisi



Jo'rayev Baxtiyorjon
Tuymuratovich

Bosh hisobchi




Irgashev Nodirbek
Rustamovich

2024 yil "01" mart

Qimmatli qog'ozlar chiqarilishiga doir hujjatlarni tayyorlash bo'yicha xizmat ko'rsatgan investitsiya maslahatchisining nomi: "HBCapital" ma'suliyati cheklangan jamiyati;

Investitsiya maslahatchisi bilan tuzilgan shartnoma raqami va sanasi: 2/2024-sonli, 2024 yil "01" mart;

Investitsiya maslahatchisi rahbarining F.I.O. va imzosi: M.M. Sharobidinov



2024 yil "01" mart

1. Ushbu chiqarilishdagi obligatsiyalarning ko'rinishi va turi (oddiy, yutuqli, foizli, foizsiz (maqsadli) va hokazo)	egasining nomi yozilgan diskontlik korporativ obligatsiyalar
2. Ushbu obligatsiyalar chiqarilishining shakli	hujjatsiz
3. Ushbu chiqarilishdagi obligatsiyalarning nominal qiymati (so'm)	1 000 000 (bir million) so'm
4. Ushbu chiqarilishdagi obligatsiyalarning soni (dona)	50 000 (ellik ming) dona
5. Ushbu chiqarilishning umumiy hajmi (so'm)	50 000 000 000 (ellik milliard) so'm
6. Ushbu chiqarilishdagi obligatsiyalar egalarining huquqlari	<p>Ushbu chiqarilishdagi har bir obligatsiya o'z egasiga teng huquqlarni beradi. Obligatsiya egasi quyidagi huquqlarga ega:</p> <ul style="list-style-type: none"> - belgilangan muddatda so'ndirilayotgan obligatsiyalar bo'yicha obligatsiyalarning joylashtirish qiymati va diskont ko'rinishidagi daromadlarini olish; - obligatsiya egalari qimmatli qog'ozlar bozoridagi o'z tavakkalchiliklarini sug'urta qildirish; - depo hisobvarag'idan o'ziga taalluqli ko'chirma olish; - Chet el kapitali ishtirokidagi «Hamkorbank» aksiyadorlik tijorat banki (keyingi o'rinlarda "Bank" deb yuritiladi) o'z kapitali miqdori kamaytirilganda va/yoki bank qayta tashkil etilgan taqdirda obligatsiyalar egasi, obligatsiyalar bo'yicha majburiyatlarning bekor qilinishini yoki muddatidan oldin bajarilishini hamda yetkazilgan zararining qoplanishini talab qilishga; - amaldagi qonun hujjatlariga muvofiq obligatsiyalar chiqarilishi amalga oshmagan yoki haqiqiy emas deb topilgan taqdirda, bank obligatsiya egalariga kiritilgan mablag'larni, shuningdek, to'lanishi lozim bo'lgan diskont ko'rinishidagi daromadlarni (haqiqiy muomala davri uchun) qaytarish majburiyatini oladi (obligatsiyalar chiqarilishi haqiqiy emas deb topilgan davrga); - obligatsiya egasi o'z obligatsiyalarini erkin sotish va boshqacha tarzda begonalashtirish huquqiga ega; - bankdan obligatsiyalar chiqarish shartlariga rioya qilishning iloji yo'qligi to'g'risida investorlarni darhol yozma ravishda xabardor qilishni talab qilish; - bankning obligatsiya egalari oldidagi majburiyatlarini bajarishi va ushbu majburiyatlarning bajarilishini ta'minlash bilan bog'liq ma'lumotlardan foydalanish imkoniyatiga ega bo'lish; - mazkur qarorda belgilangan vazifalarni bajarish munosabati bilan davlat organlari va sudlarda o'z manfaatlarini himoya qilish; - obligatsiya egasi O'zbekiston Respublikasi qonun hujjatlarida nazarda tutilgan boshqa huquqlarga ham ega.
7. Ushbu chiqarilishdagi obligatsiyalarni sotib olinishiga nisbatan cheklashlar	<p>Bank ustavida va ushbu obligatsiyalarni chiqarish to'g'risidagi qarorda obligatsiyalarni sotib olinishiga nisbatan cheklashlar mavjud emas.</p> <p>Mazkur chiqarilishdagi obligatsiyalar chiqarish</p>

	to'g'risidagi qarorga muvofiq soni cheklanmagan investorlar orasida reklamadan foydalangan holda, shu jumladan obligatsiyalarni ommaviy usulda (ochiq obuna yo'li bilan) joylashtiriladi.
8. Jamiyat ustav kapitalining miqdori (so'm)	646 648 980 000 (olti yuz qirq olti milliard olti yuz qirq sakkiz million to'qqiz yuz sakson ming) so'm.
9. Ilgari joylashtirilgan aksiyalar soni (turlari bo'yicha taqsimlangan holda ko'rsatiladi)	Bankning ilgari joylashtirilgan aksiyalarining soni 129 329 796 000 (bir yuz yigirma to'qqiz milliard uch yuz yigirma to'qqiz million yetti yuz to'qson olti ming) dona bo'lib, shundan: <ul style="list-style-type: none"> - egasining nomi yozilgan, oddiy, hujjatsiz aksiyalar soni 125 289 246 000 (bir yuz yigirma besh milliard ikki yuz sakson to'qqiz million ikki yuz qirq olti ming) dona; - egasining nomi yozilgan, imtiyozli, hujjatsiz aksiyalar soni 4 040 550 000 (to'rt milliard qirq million besh yuz ellik ming) dona.
10. Ilgari joylashtirilgan obligatsiyalar soni (turlari va ko'rinishlari bo'yicha taqsimlangan holda ko'rsatiladi)	Mazkur obligatsiyalar chiqarilishi to'g'risidagi qaror qabul qilingan sanaga qadar bankning ro'yxatga olingan obligatsiyasi to'g'risidagi ma'lumotlar: <ul style="list-style-type: none"> - obligatsiyalarning umumiy miqdori: 8 000 000 000 (sakkiz milliard) so'm; - obligatsiyalarning turi: foizli, korporativ obligatsiya; - obligatsiyalarning nominal qiymati: 1 000 (bir ming) so'm; - obligatsiyalar chiqarilishining davlat ro'yxatidan o'tgan sana va raqami: 2009-yil 04-sentyabr; raqami: P0838; - chiqarish bo'yicha joylashtirilgan obligatsiyalar miqdori: 8 000 000 000 (sakkiz milliard) so'm; - obligatsiyalarni joylashtirishda jalb etilgan mablag'larning umumiy miqdori: 8 000 000 000 (sakkiz milliard) so'm; - obligatsiya chiqarilishi bo'yicha hisoblangan va to'langan mukofot miqdori: 5 145 606 033,30 (besh milliard bir yuz qirq besh million olti yuz olti ming o'ttiz uch so'm 30 tiyin) so'm; - qayta sotib olingan obligatsiyalar miqdori: 8 000 000 000 (sakkiz milliard) so'm; - joylashtirilmagan obligatsiyalar foizi: bank tomonidan obligatsiyalar belgilangan muddatlarda to'liq, 100 foiz joylashtirilgan; - joylashtirmaganlik sababi: mavjud emas, sababi to'liq joylashtirilgan; - bankning obligatsiyalar egalari oldidagi majburiyatlarini bajarmasligi holatlari bo'yicha ma'lumotlar (obligatsiyalar bo'yicha mukofotlarni to'lamaslik (to'lovning kechiktirilishi), jumladan, bajarilmagan majburiyatlar hajmi va qancha muddatga kechiktirilganligi to'g'risidagi ma'lumotlar, qimmatli qog'ozlar bo'yicha hisoblangan, ammo to'lab berilmagan mukofot miqdori (tur va chiqarishlar bo'yicha alohida): bunday holatlar mavjud emas; - ma'lum bir obligatsiyalar chiqarilishini joylashtirish yoki muomalaga chiqarish to'xtatilgan (tiklangan) bo'lsa, bunday qarorni qabul qilgan davlat organi, asos va qaror qabul qilingan sana ko'rsatiladi: bunday

	<p>xolatlari mavjud emas;</p> <p>- bankning so'ndirilmagan ayirboshlanadigan obligatsiyalari to'g'risidagi ma'lumotlar alohida ko'rsatiladi: bunday xolatlari mavjud emas.</p> <p>Ushbu obligatsiyalar chiqariluvini muomala muddati yakunlanganligi sababli Qimmatli qog'ozlar bozorini muvofiqlashtirish va rivojlantirish markazining 2016 yil 7 sentyabr kuni 15-07/042-sonli qaroriga asosan to'liq so'ndirilgan.</p>
11. Ushbu chiqarilishdagi obligatsiyalar joylashtirilishining shartlari va tartibi	
11.1. Ushbu chiqarilishdagi obligatsiyalar joylashtirilishining usuli (ochiq yoki yopiq obuna)	<p>Ushbu chiqarilishdagi korporativ obligatsiyalar soni cheklanmagan investorlar o'rtasida ommaviy usulda (ochiq obuna yo'li bilan) joylashtiriladi.</p>
11.2. Ushbu chiqarilishdagi obligatsiyalar joylashtirilishining muddati	<p>Obligatsiyalarni joylashtirish muddati – mazkur chiqarilishdagi obligatsiyalar qimmatli qog'ozlar bozorini tartibga solish bo'yicha vakolatli davlat organi tomonidan davlat ro'yxatiga olingan kundan boshlab bir yil davomida joylashtiriladi.</p> <p>Obligatsiyalarni joylashtirishni boshlanish sanasi – obligatsiyalarning chiqarilishi davlat ro'yxatidan o'tkazilganligi to'g'risidagi xabar ommaviy axborot vositalariga e'lon qilingan sanadan keyingi 15 (o'n beshinchi) kun. Agar obligatsiyalarni joylashtirishning boshlanish sanasi bank hisob-kitob operatsiyalari uchun dam olish kuniga to'g'ri kelsa, bu holda obligatsiyalarni joylashtirishning boshlanish sanasi ushbu kunlardan keyingi birinchi ish kunidan boshlanadi.</p> <p>Bank O'zbekiston Respublikasi Istiqbolli loyihalar milliy agentligi korporativ axborot yagona portali (www.openinfo.uz), bankning rasmiy veb-sayti (www.hamkorbank.uz) va "Toshkent" Respublika fond birjasining rasmiy veb-saytida (www.uzse.uz) O'zbekiston Respublikasining "Qimmatli qog'ozlar bozori to'g'risida"gi Qonuni 44-modda oltinchi qismining "b" kichik bandida ko'rsatilgan talablarga muvofiq obligatsiyalar davlat ro'yxatidan o'tkazilganligi to'g'risidagi axborotni oshkor qiladi.</p> <p>Obligatsiyalarning joylashtirishning tugash sanasi – mazkur chiqarilishning so'nggi obligatsiya joylashtirilgan kun. Biroq obligatsiyalarni joylashtirishni yakunlanish sanasi, mazkur chiqarilish qimmatli qog'ozlar bozorini tartibga solish bo'yicha vakolatli davlat organida davlat ro'yxatiga olingan kundan boshlab bir yildan oshmasligi lozim.</p>
11.3. Ushbu chiqarilishdagi obligatsiyalar joylashtirilishining tartibi	<p>Ushbu chiqarilishdagi obligatsiyalar ochiq obuna usulida soni cheklanmagan investorlar o'rtasida qimmatli qog'ozlarning uyushgan savdo tashkilotchisi ("Toshkent" Respublika Fond Birjasi aksiyadorlik jamiyati) orqali joylashtiriladi.</p> <p>Bunda obligatsiyalarni joylashtirish bo'yicha bitimlar tashkil etilgan qimmatli qog'ozlar savdo tashkilotchisining savdo qoidalariga muvofiq amalga oshiriladi.</p> <p>Bank tomonidan ushbu chiqarilishdagi obligatsiyalarni</p>

	<p>joylashtirish bo'yicha xizmatlar, shu jumladan anderrayting xizmatlarini ko'rsatuvchi "HBCapital" mas'uliyati cheklangan jamiyati investitsiya vositachisini jalb qilgan holda amalga oshiriladi.</p> <p>Anderrayter to'g'risidagi ma'lumotlar:</p> <ul style="list-style-type: none"> - to'liq nomi: "HBCapital" mas'uliyati cheklangan jamiyati; - qisqartirilgan nomi: "HBCapital" MCHJ; - joylashgan joyi: O'zbekiston Respublikasi, 170119, Andijon shahri, Bobur shoh ko'chasi, 53-uy; - professional faoliyatni amalga oshirishga uchun berilgan litsenziyaning raqami va sanasi: 2020-yil 25-mayda berilgan 1399-sonli; - litsenziyaning amal qilish muddati: cheklanmagan; - litsenziyani bergan organning nomi: O'zbekiston Respublikasi Kapital bozorlarini rivojlantirish Agentligi. <p>Bank va obligatsiyalarni joylashtirish bo'yicha anderrayter o'rtasidagi tuzilgan shartnomaga muvofiq quyidagilar anderrayterning asosiy vazifalariga hisoblanadi:</p> <ul style="list-style-type: none"> - bank bilan birgalikda obligatsiyalarni chiqarish va joylashtirishning maqbul tuzilmasini shakllantirish; - investitsiya memorandumini tuzish va investorlarga taqdim etish; - anderrayterlik xizmatlarini ko'rsatish to'g'risidagi shartnomaga muvofiq bank obligatsiyalarini joylashtirish; - obligatsiyalarni joylashtirishdan olingan mablag'larni bankga to'lash; - ushbu chiqarilishdagi obligatsiyalarni joylashtirish, qonun hujjatlariga muvofiq soni cheklanmagan investorlar o'rtasida joylashtirilishini amalga oshirish. <p>Mazkur shartnomada, shartnoma bilan belgilangan muddatlarda joylashtirilmagan obligatsiyalarni anderrayter tomonidan o'z hisobidan olinishi, shuningdek ushbu muddat va uni belgilash tartibi nazarda tutilmagan.</p>
<p>11.4. Qimmatli qog'ozlar markaziy depozitariysi va qimmatli qog'ozlarga bo'lgan huquqlarni hisobga olishni amalga oshiruvchi investitsiya vositachisining tashkiliy-huquqiy shaklini o'z ichiga olgan to'liq firma nomi, joylashgan joyi, pochta manzili, telefoni</p>	<p>Bank obligatsiyasi huquqlari hisobi O'zbekiston Respublikasi Qimmatli qog'ozlar markaziy depozitariysi va Investitsiya vositachilari tomonidan qonunchilikda o'rnatilgan tartibda yuritiladi.</p> <p>Qimmatli qog'ozlar markaziy depozitariysi to'g'risidagi ma'lumotlar:</p> <ul style="list-style-type: none"> - to'liq nomi: "Qimmatli qog'ozlar markaziy depozitariysi" aksiyadorlik jamiyati; - tashkiliy huquqiy shakli: aksiyadorlik jamiyati; - joylashgan yeri va pochta manzili: 100170, O'zbekiston Respublikasi, Toshkent shahri, Mirzo-Ulug'bek tumani, Mustaqillik shoh ko'chasi, 107-uy, 2-qavat; - telefon: (71) 267-37-42. e-mail: info@deponet.uz, veb-sayti: www.deponet.uz. - shartnoma sanasi va raqami: 06.01.2015-yil, 1206/Э-son. - Qimmatli qog'ozlar markaziy depozitariysi o'z faoliyatini O'zbekiston Respublikasi Vazirlar

	<p>Mahkamasining 1999-yil 21-maydagi 263-sonli qaroriga asosan yuritadi.</p> <p>Qimmatli qog'ozlarga bo'lgan huquqlarni hisobga olishni amalga oshiruvchi investitsiya vositachisi to'g'risidagi ma'lumotlar:</p> <ul style="list-style-type: none"> - to'liq nomi: "HBCapital" mas'uliyati cheklangan jamiyati; - tashkiliy huquqiy shakli: mas'uliyati cheklangan jamiyati; - joylashgan yeri va pochta manzili: 170119, O'zbekiston Respublikasi, Andijon shahri, Bobur shoh ko'chasi, 53-uy; - telefon: (74) 234-35-39. e-mail: info@hbcapital.uz, veb-sayti: www.hbcapital.uz. - shartnoma sanasi va raqami: 08.01.2022-yil, 1/2022-son. - "HBCapital" MCHJ o'z faoliyatini O'zbekiston Respublikasi Kapital bozorlarini rivojlantirish Agentligi tomonidan 2020-yil 25-mayda berilgan 1399-sonli litsenziyaga asosan yuritadi.
<p>11.5. Ovoz beruvchi aksiyalarga ayirboshlanadigan joylashtirilayotgan obligatsiyalarni olishga bo'lgan imtiyozli huquqni amalga oshirish tartibi</p>	<p>Ushbu chiqarilishdagi obligatsiyalar ovoz beruvchi aksiyalarga ayirboshlanmaydi, shu munosabat bilan joylashtirilayotgan obligatsiyalarni olishga bo'lgan imtiyozli huquqni amalga oshirish ko'zda tutilmagan.</p>
<p>11.6. Ushbu chiqarilishdagi obligatsiyalar bahosi (baholari) yoki joylashtirish bahosini belgilash tartibi</p>	<p>Ushbu chiqarilishdagi bir dona obligatsiyaning qimmatli qog'ozlarning uyushgan savdolaridagi boshlang'ich bahosi 819 672,13 (sakkiz yuz o'n to'qqiz ming olti yuz yetmish ikki so'm 13 tiyin) so'mni tashkil qiladi, shuningdek joylashtirish boshlangan sanadan keyingi har bir kunda joylashtirish bahosi - boshlang'ich bahosiga kunlik diskont qiymati qo'shilgan narx bo'yicha joylashtiriladi.</p>
<p>11.7. Obligatsiyalarni to'lash shartlari va tartibi</p>	<p>Ushbu chiqarilishdagi obligatsiyalar uchun to'lovlar qimmatli qog'ozlarning uyushgan savdo tashkilotchisi qoidalariga muvofiq tuziladigan bitimlar asosida naqdsiz hisob-kitoblar orqali O'zbekiston Respublikasi milliy valyutasida amalga oshiriladi.</p> <p>Obligatsiyalar bo'yicha pulsiz vositalar bilan to'lovlar amalga oshirish ko'zda tutilmagan.</p>
<p>11.8. Ushbu obligatsiyalar chiqarilishi amalga oshmagan deb topilgan taqdirda emitent tomonidan obligatsiyalar to'lovi sifatida olingan vositalarni qaytarish tartibi</p>	<p>Ushbu chiqarilishdagi obligatsiyalar chiqarilishi amalga oshmagan yoki haqiqiy emas deb topilgan taqdirda, bank amaldagi qonun hujjatlarida belgilangan tartibda ushbu holat to'g'risida rasmiy xabar e'lon qiladi, shuningdek Qimmatli qog'ozlar markaziy depozitariysidan amalga oshmagan deb topilgan sanaga obligatsiyalar egalari ro'yxatini so'raydi.</p> <p>Mazkur chiqarilishdagi obligatsiyalar amalga oshmagan yoki haqiqiy emas deb topilgan paytdan e'tiboran bank ushbu qaror asosida chiqarilgan obligatsiyalar bo'yicha diskont ko'rinishidagi daromadlarni hisoblashni to'xtatadi.</p> <p>Bank ushbu chiqarilishdagi barcha obligatsiya egalari amalga oshirishdagi qonun hujjatlarida belgilangan tartibda obligatsiyalar uchun to'lov sifatida olingan pul mablag'larni, shuningdek to'lanishi lozim bo'lgan diskont ko'rinishidagi daromadlarni (obligatsiyalar chiqarilishi</p>

	<p>amalga oshmagan yoki haqiqiy emas deb topilgan davrga), ushbu obligatsiyalar chiqarilishi qonun hujjatlarida belgilangan tartibda amalga oshmagan deb topilgan kundan boshlab 10 (o'n) kun ichida qaytarib berish majburiyatini oladi.</p> <p>Obligatsiyalar chiqarilishi amalga oshmagan yoki haqiqiy emas deb topilganligi to'g'risidagi ma'lumotlar, tegishli qaror qabul qilingan kundan boshlab ikki ish kuni ichida "Biznes-Daily Media" Nashriyot uyi mas'uliyati cheklangan jamiyatga tegishli Biznes Daily "Birja" gazetasida, shuningdek O'zbekiston Respublikasi Istiqbolli loyihalar milliy agentligi korporativ axborot yagona portali (www.openinfo.uz), bankning rasmiy veb-sayti (www.hamkorbank.uz) va "Toshkent" Respublika fond birjasining rasmiy veb-saytida (www.uzse.uz) belgilangan tartibda e'lon qilinadi.</p> <p>Bank tomonidan obligatsiya egalariga obligatsiyalarning chiqarilishi amalga oshmagan yoki haqiqiy emas deb topilganidan so'ng, to'lovlarni amalga oshirish maqsadida ajratilgan kunlar uchun diskont ko'rinishidagi daromadlar to'lanmaydi.</p>
<p>12. Ushbu chiqarilishdagi obligatsiyalar bo'yicha ta'minot</p>	<p>Ushbu chiqarilayotgan obligatsiyalar bankning o'z kapitali miqdori doirasida chiqarilayotganligi sababli ta'minot ko'zda tutilmagan.</p>
<p>13. Obligatsiyalar muomalasining tartibi va muddatlari</p>	<p>Obligatsiyalarning muomalasi oldi-sotdi bitimlari, shuningdek amaldagi qonun hujjatlarida nazarda tutilgan, obligatsiyalarning egasi almashuviga olib keladigan boshqa harakatlar orqali amalga oshiriladi.</p> <p>Obligatsiyalar qimmatli qog'ozlarning uyushgan birja va uyushmagan birjadan tashqari savdolari orqali muomalada bo'lishi mumkin.</p> <p>Qimmatli qog'ozlarning uyushgan birja savdolarida obligatsiyalar bo'yicha oldi-sotdi bitimlari qimmatli qog'ozlar savdosi tashkilotchisining qoidalariga asosan, mazkur qimmatli qog'ozlarga mavjud bo'lgan talab va taklifdan kelib chiqqan holda, amalga oshiriladi.</p> <p>Qimmatli qog'ozlarning uyushmagan birjadan tashqari savdolarida obligatsiyalar bo'yicha tuziladigan bitimlar qonunchilikda belgilangan tartibda amalga oshiriladi.</p> <p>Obligatsiyalarga bo'lgan huquqlar oluvchiga uning depo hisobvarag'iga tegishli kirim yozuvi belgilangan tartibda kiritilgan paytdan e'tiboran o'tadi va qonun hujjatlarida belgilangan tartibda investitsiya vositachisi tomonidan beriladigan depo hisobvarag'idan ko'chirma bilan tasdiqlanadi.</p> <p>Obligatsiya bilan tasdiqlanadigan huquqlar ushbu obligatsiyaga bo'lgan huquqlar o'tgan kundan e'tiboran oluvchiga o'tadi.</p> <p>Obligatsiyalarning muomala muddati – obligatsiyalar joylashtirilishi boshlangan sanadan boshlab 365 (uch yuz oltmish besh) kun. Mazkur muddat yakuni bo'yicha obligatsiyalar uchun to'lov sifatida olingan pul mablag'larni, shuningdek to'lanishi lozim bo'lgan diskont ko'rinishidagi daromadlarni to'lash amalga oshiriladi.</p> <p>Obligatsiyalar muomalasining boshlanish sanasi - ushbu</p>

	obligatsiyalar joylashtirilishi boshlangan kun hisoblanadi. Obligatsiyalar muomalasining tugash sanasi - ushbu chiqarilishdagi obligatsiyalar muomalasi boshlangan kundan boshlab 366 (uch yuz oltmish olti) kunga o'tgan kun.
14. Obligatsiyalar bo'yicha so'ndirish va daromadlarni to'lash shartlari.	
14.1. Obligatsiyalarni so'ndirish shakli (pul vositalari, mol-mulk, ayirboshlash va hokazo):	Obligatsiyalarni so'ndirilish shakli faqat naqd pulsiz hisob-kitoblar orqali O'zbekiston Respublikasining milliy valyutasi – so'mda amalga oshiriladi. Diskontli obligatsiyaning daromadi nominal qiymati bo'yicha belgilangan muddatda so'ndirish amalga oshirilib, sotish bahosi va obligatsiyaning nominal qiymati o'rtasidagi farq hisobida aniqlanadi.
14.2. Obligatsiyalarni so'ndirish muddatini o'z ichiga olgan so'ndirish tartibi va shartlari:	Obligatsiyalarni so'ndirish sanasi, joylashtirishni boshlanish sanasidan boshlab 366 (uch yuz oltmish olti) kunga o'tgan kun hisoblanadi. Mazkur korporativ obligatsiyalar chiqarilishi to'g'risidagi qarorga asosan obligatsiya egalari, o'zlariga tegishli obligatsiyalarni to'liq so'ndirish sanasigacha egalik qilish huquqiga ega. Obligatsiyalarni so'ndirish qimmatli qog'ozlar Markaziy depozitariysi tomonidan shakllantirilgan obligatsiyalar egalarining reestrtdagi ma'lumotlarga asosan obligatsiyalar egalarining bank rekvizitlariga pul mablag'larini (obligatsiyani joylashtirilgan qiymati va diskont ko'rinishidagi daromadlarini) o'tkazish yo'li bilan obligatsiyalar muomalasi boshlangan kundan boshlab 365 (uch yuz oltmish besh) kun holatiga 10 (o'n) kun ichida amalga oshiriladi. Agar to'lov summasini amalga oshirishdagi sanada bank hisob-kitob operatsiyalari bo'yicha dam olish kuniga to'g'ri keladigan bo'lsa, to'lov summasini to'lash shu kundan keyingi birinchi ish kunida amalga oshiriladi. Agar daromadni to'lash reestrtda obligatsiyalar egasining bank rekvizitlari to'g'risida to'liq bo'lmagan va/yoki noto'g'ri ma'lumotlar bo'lsa, bank obligatsiyalar egalariga to'lanadigan mablag'larning kechiktirilganligi uchun javobgar bo'lmaydi. Bunday vaziyatga yo'l qo'ymaslik uchun obligatsiya egalari obligatsiyalarning muomala muddati tugashidan oldin bankga, o'z bank rekvizitlarini ko'rsatgan holda murojaat qilishga haqli. Shuningdek, bank Qimmatli qog'ozlar markaziy depozitariysi tomonidan reestrni o'z vaqtida taqdim etilmaganligi uchun javobgar bo'lmaydi. Agar obligatsiya egalarining reestrtda obligatsiyalar egalarining bank rekvizitlari to'g'risidagi ma'lumotlar to'liq bo'lmasa yoki ushbu ma'lumotlar o'z ahamiyatini yo'qotgan taqdirda, obligatsiya egasiga tegishli mablag'lar bank tomonidan saqlanadi va bu pul mablag'larga saqlangan muddatlar uchun qo'shimcha to'lovlar amalga oshirilmaydi. Pul mablag'larini so'ndirish uchun to'lovlar amalga oshirilgan kunlar uchun obligatsiyalar egalariga foizlar hisoblanmaydi.
14.3. Obligatsiyalarning har biri bo'yicha	Obligatsiya egasi belgilangan muddat yakunida

to'lanadigan daromadni belgilash tartibi (daromad miqdori yoki uni belgilash tartibi, shuningdek har bir kupon bo'yicha to'lanadigan daromad miqdori yoki uni belgilash tartibi):

obligatsiyaning dastlabki sotib olgan qiymatiga nisbatan (amaldagi soliq qonunchiligida nazarda tutilgan hollarda foiz daromadidan to'lash manbaidan ushlab qolingani soliqni inobatga olgan holda) obligatsiyalarni chiqarish bo'yicha o'rnatilgan shartlarida hisoblangan diskont ko'rinishdagi daromadlarini olish huquqiga ega.

Obligatsiyalar bo'yicha diskont ko'rinishdagi daromadlar bank tomonidan tegishli davrning oxirgi sanasida tuzilgan obligatsiyalar egalari reestrda ro'yxatdan o'tgan obligatsiya egasiga to'lanadi.

• bir obligatsiyani diskont orqali joylashtirish quyidagi formula bo'yicha aniqlanadi:

$$N / (1 + P) = D_n, \text{ bunda:}$$

D_n – obligatsiyani joylashtirish narxi;

N – obligatsiyaning nominal qiymati – 1 000 000 so'm;

1 – obligatsiyani muomalada bo'lish yili – 1 yil;

P – diskont orqali joylashtirishdagi yillik foiz stavkasi – 22%.

$$1\,000\,000 / (1 + 22\%) = 819\,672,13 \text{ so'm.}$$

***Izoh: Joylashtiriladigan obligatsiya summasi bir tiyinga qadar aniqlik bilan belgilanadi.*

• bir obligatsiyaga kunlik diskont ko'rinishdagi daromadlarini hisoblash quyidagi formula bo'yicha aniqlanadi:

$$D_n * (P / 365) * Y = X, \text{ bunda:}$$

X – joylashtirilgan obligatsiya bo'yicha daromadi;

D_n – obligatsiyani joylashtirish narxi - 819 672,13 so'm;

P – diskont orqali joylashtirishdagi yillik foiz stavkasi – 22 %.

365 – obligatsiyani muomalada bo'lish kuni – 365 kun;

Y – obligatsiyaning turgan bir kunligi – 1 kun;

$$819\,672,13 * (22\% / 365) * 1 = 494,05 \text{ so'm.}$$

***Izoh: diskont ko'rinishdagi daromad miqdori bir tiyinga qadar aniqlik bilan belgilanadi.*

Shuningdek, ushbu obligatsiyalarning muomala muddati yakunlangan sanasi bo'yicha har bir obligatsiya egasiga sotish bahosi va obligatsiyaning nominal qiymati o'rtasidagi farq hisobiga daromad belgilanadi.

14.4. Obligatsiyalar bo'yicha daromadlarni to'lash tartibi va muddati, har bir kupon bo'yicha daromadni to'lash tartibi va muddatini o'z ichiga olgan holda:

Obligatsiya egalarning diskont ko'rinishdagi daromadlari O'zbekiston Respublikasi Qimmatli qog'ozlar markaziy depozitariysi tomonidan obligatsiya muomala davrining 365 (uch yuz oltmish besh) kuniga yopilgan obligatsiya egalari reestri asosida to'lab beriladi.

Bank obligatsiyalar muomala davri tugaganidan keyin 10 (o'n) kundan kechiktirmay Qimmatli qog'ozlar markaziy depozitariysi tomonidan tuzilgan obligatsiyalar egalari reestrda olingan ma'lumotlarga asoslanib, obligatsiya nominal qiymatidagi pul mablag'lar obligatsiya egalarning bank hisob raqamlariga o'tkazadi.

Har bir obligatsiya bo'yicha diskont ko'rinishdagi daromadni muomala muddati yakuni bo'yicha hisoblanadi va to'lanadi. Bunda obligatsiya bo'yicha to'lovlar muomala muddati yakuniga o'rnatilgan tartibda Qimmatli qog'ozlar markaziy depozitariysi tomonidan

	<p>shakllantirilgan obligatsiya egalari reestriga asosan amalga oshiriladi.</p> <p>Tegishli to'lovlarni amalga oshirish uchun bank Qimmatli qog'ozlar markaziy depozitariysiga obligatsiyalar muomala muddati yakuniy kuni holatiga obligatsiyalar egalari reestrini shakllantirish uchun so'rov yuboradi.</p> <p>Qimmatli qog'ozlar markaziy depozitariysi tomonidan taqdim etilgan obligatsiyalar egalarining reestri ko'rsatilgan obligatsiya egalariga, obligatsiyalarning nominal qiymatida to'lanishi lozim bo'lgan mablag'lar to'lovini amalga oshiradi.</p> <p>Agar to'lovlarni to'lash jarayonida obligatsiya egalarining bank rekvizitlari to'g'risida to'liq bo'lmagan va/yoki noaniq ma'lumotlar mavjud bo'lsa, daromadni to'lash uchun reestrda ro'yxatdan o'tgan obligatsiyalar egalariga to'lovlarni to'lash kechiktirilganligi uchun bank javobgar bo'lmaydi.</p> <p>Bunday vaziyatga yo'l qo'ymaslik uchun obligatsiya egalari joriy vaqt oralig'ining tugashidan oldin bankga o'z bank rekvizitlarini ko'rsatgan holda murojaat yuborishga haqli. Shuningdek, bank Qimmatli qog'ozlar markaziy depozitariysi tomonidan daromadlarni to'lash reestri o'z vaqtida taqdim etilmaganligi uchun javobgar bo'lmaydi.</p>
<p>14.5. Obligatsiyalarni muddatidan oldin so'ndirish ehtimoli va shartlari, xususan: muddatidan oldin so'ndirishning bahosi (qiymati), obligatsiyalar muddatidan oldin so'ndirishga undan oldin taqdim etilishi mumkin bo'lmagan muddat, shu bilan birga emitent tomonidan muddatidan oldin so'ndirish to'g'risidagi axborotni oshkor qilish tartibi:</p>	<p>Bank obligatsiyalarini muddatidan oldin so'ndirish, obligatsiyalar joylashtirilgan sanadan boshlab 365 (uch yuz oltmish besh) kundan ilgari so'ndirishni amalga oshirish mumkin emas, bunda sud tomonidan haqiqiy emas deb topilishi, obligatsiyalarni joylashtirish muddatlarida joylashtirilmaligi, bank o'z kapitali miqdori kamaytirilganda va/yoki bank qayta tashkil etilgan va tugatilish hollari bundan mustasno.</p> <p>Bank qonunchilikda va mazkur bandning birinchi xat boshisida ko'zda tutilgan holatlari yuzaga kelganda obligatsiyalarni muddatidan oldin qaytarib sotib olish to'g'risida Kuzatuv kengashi tomonidan tegishli qaror qabul qiladi.</p> <p>Bank mazkur obligatsiya egalarining obligatsiyalarini muddatidan oldin so'ndirish to'g'risida vaziyatlar yuzaga kelganda, muddatidan oldin so'ndirish bo'yicha Qimmatli qog'ozlar markaziy depozitariysiga ushbu obligatsiyalarni harakatsizlantirish hamda obligatsiyalarni harakatsizlantirish sanasiga obligatsiya egalari reestrini tuzish bo'yicha topshiriqnomaga beradi.</p> <p>Bank obligatsiyalarni muddatidan oldin so'ndirish to'g'risida obligatsiya egalarini 10 (o'n) kun oldin yozma shaklda obligatsiya egalarining reestrda aks ettirilgan ma'lumotlari (manzillari) bo'yicha xabardor qiladi.</p> <p>Bu holatda bank obligatsiya egalariga obligatsiyaning dastlabki joylashtirish qiymati hamda ushbu obligatsiya bo'yicha hisoblangan diskont ko'rinishdagi daromadlarini bank Kuzatuv kengashi qaror qabul qilgan kundan boshlab 10 (o'n) kun ichida Qimmatli qog'ozlar markaziy depozitariydan olingan obligatsiya egalari reestrda ko'rsatilgan bank rekvizitiga o'tkazib berish</p>

	<p>majburiyatini o'z zimmasiga oladi.</p> <p>Bank obligatsiyalarni muddatidan oldin so'ndirish bo'yicha bankning Kuzatuv kengashi qarori qabul qilingan kundan boshlab, mazkur obligatsiyalarga to'lovlarni amalga oshirish maqsadida ajratilgan kunlar uchun qo'shimcha to'lovlar to'lanmaydi.</p> <p>Bank obligatsiyalarni muddatidan oldin so'ndirish bo'yicha yuqorida ko'rsatilgan shartlar yuzaga kelgan kundan 2 (ikki) ish kuni ichida O'zbekiston Respublikasi Istiqbolli loyihalar milliy agentligi korporativ axborot yagona portali (www.openinfo.uz), bankning rasmiy veb-sayti (www.hamkorbank.uz) va "Toshkent" Respublika fond birjasining rasmiy veb-saytida (www.uzse.uz) ushbu fakt to'g'risida rasmiy xabarni e'lon qilib, ma'lumotlarni obligatsiya egalariga yetkazadi.</p> <p>Bank tomonidan ushbu chiqarilishdagi obligatsiyalarni muomala muddati davomida birja va birjadan tashqari savdolarida qayta sotish maqsadida sotib olishi va boshqa investorlarga sotishi mumkin.</p>
<p>15. Emitent tomonidan obligatsiyalar chiqarilishi to'g'risidagi axborotni O'zbekiston Respublikasi qonunchilik hujjatlariga muvofiq oshkor qilish tartibi:</p>	<p>Mazkur obligatsiyalarni chiqarilishi davlat ro'yxatidan o'tkazilganligi to'g'risidagi axborot qonun hujjatlarida belgilangan tartibda va muddatlarda O'zbekiston Respublikasi Istiqbolli loyihalar milliy agentligi korporativ axborot yagona portali (www.openinfo.uz), bankning rasmiy veb-sayti (www.hamkorbank.uz) va "Toshkent" Respublika fond birjasining rasmiy veb-saytida (www.uzse.uz) oshkor qilinadi.</p> <p>Bankning obligatsiyalar chiqarilishi to'g'risidagi qarorining asl nusxalari bilan Andijon viloyati, Andijon shahri, Bobur shoh ko'chasi 85-uy manzilida joylashgan bankning ma'muriy binosida, haftaning ish kunlari soat 9⁰⁰ dan 18⁰⁰ gacha bo'lgan vaqt davomida tanishish mumkin.</p> <p>Muloqot telefoni: (78) 298-04-33.</p> <p>Elektron pochta manzili: muloqot@hamkorbank.uz.</p>